



Broj: 22-04-44-1-26/19
Sarajevo, 27.01.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i članom 24. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 8/07) dostavljamo Vam:

REDOVNI IZVJEŠTAJ
za period od 07:00 sati 26.01.2019. do 07:00 sati 27.01.2019. godine

Profesionalna vatrogasna jedinica Kantonalne uprave civilne zaštite Kantona Sarajevo:
U izvještajnom periodu PVJ je imala 3 manje intervencije, i to dvije na gašenju dimnjaka na stambenim objektima i jednu intervenciju na gašenju kontejnera sa smećem.

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljudi, kao i materijalna i kulturna dobra.

KJKP Rad: Saobraćajnice I, II i III prioriteta su očišćene. Sve linije kojima saobraća minibuski, kombibuski i trolejbuski saobraćaj su također očišćene. U toku noći 40 specijalizovanih vozila radilo na uklanjanju snijega sa pješačkih zona na Baščaršiji, oko Katedrale, u ulicama Ferhadija, Sarači i Štrosmajerova, kao i oko pijace Markale. Angažovano je i 60 radnika na ručnom čišćenju pješačkih staza i sprječavanju poledice.



Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu je iznosila -9°C, vlažnost zraka 98%, a barometarski pritisak 936 hPa.

BIHAMK: Saobraćaj na području Kantona Sarajevo se odvija uredno, osim na dionicama na kojima se izvode planirani radovi, gdje se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
DEŽURNI OPERATIVAC

Mirsad Biberović

Dostavljeno:

- Direktor KUCZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1